

中国古典名著

梦梁录



夢梁錄卷之六
西湖遊覽記
西湖遊覽記
西湖遊覽記

中国古典名著

38

主 编 齐豫生 夏于全

梦梁录

北方妇女儿童出版社

图书在版编目(CIP)数据

中国古典名著/齐豫生,夏于全主编。—长春:北方妇女儿童出版社,2006.3

ISBN 7-5385-0392-7

I.中... II.齐,夏 III.古典名著-中国 IV.I242.4

中国版本图书馆 CIP 数据核字(2006)第 021887

中国古典名著

齐豫生 夏于全 主编

北方妇女儿童出版社出版发行
北京海德印务有限公司印刷

开本:850×1168mm 1/32 字数:5000 千字

印张:400 2006 年 3 月第 1 版第 2 次印刷

印数:2000 套

ISBN 7-5385-0392-7/I·405

定价:1280.00 元(全 60 册)

目 录

梦梁录序	(1)
------------	-----

梦梁录卷一

正 月	(1)
元旦大朝会	(1)
立 春	(2)
元 宵	(2)
车驾诣景灵宫孟飧	(3)
二 月	(5)
八日祠山圣诞	(5)

梦梁录卷二

三月(佑圣真君诞辰附)	(7)
诸州府得解士人赴省闱	(7)
荫补未仕官人赴铨	(8)
清明节	(9)
诸库迎煮	(9)
州府节制诸军春教	(10)
二十八日东岳圣帝诞辰	(11)

梦梁录卷三

四 月	(11)
皇太后圣节	(12)
宰执亲王南班百官入内上寿赐宴	(12)
皇帝初九日圣节	(15)
僧寺结制	(15)
五月(重午附)	(16)

梦梁录卷四

六月(崔真君诞辰附)	(17)
------------------	------

七月(立秋附)	(17)
七夕	(17)
解制日(中元附)	(18)
八月	(18)
中秋	(19)
解 闹	(19)

梦梁录卷五

九月(重九附)	(20)
明裡年预教习车象	(21)
明堂差五使执事官	(21)
驾出宿斋殿	(22)
五辂仪式	(23)
差官輓祭及清道	(24)
驾诣景灵宫仪仗	(24)
驾回太庙宿奉神主出室	(26)
驾宿明堂斋殿行裡祀礼	(27)

梦梁录卷六

十月	(30)
立冬	(30)
孟冬行朝飧礼遇明裡岁行恭谢礼	(30)
十一月冬至	(32)
十二月	(32)
除 夜	(33)

梦梁录卷七

杭 州	(34)
大河桥道	(35)
小河桥道	(35)
西河桥道	(36)
小西河桥道	(37)
倚郭城南桥道	(37)

梦梁录卷八

大 内	(39)
德寿宫	(40)
太 庙	(41)
景灵宫	(41)
万寿观	(42)
御前宫观(东太乙宫)	(43)
西太乙宫	(44)
佑圣观	(44)
显应观	(45)
四圣延祥观	(45)
三茆宁寿观	(45)
开元宫	(46)
龙翔宫	(46)
宗阳宫	(47)

梦梁录卷九

三省枢使谏官	(47)
六 部	(48)
六部监门	(48)
诸 寺	(49)
秘书省(国史敕令附)	(49)
诸 监	(50)
大宗正司	(50)
省 所	(51)
六院四辖	(51)
三衙	(52)
阁 职	(52)
监当诸局	(53)
诸仓	(54)

梦梁录卷十

诸官舍	(55)
府治	(55)
运司衙	(56)
后戚府	(56)
诸王宫	(56)
家庙	(57)
馆驿	(57)
本州仓场库务	(58)
点检所酒库	(58)
安抚司酒库	(59)
厢禁军	(59)
防隅巡警	(60)
帅司节制军马	(61)
梦梁录卷十一	
诸山岩	(62)
岭	(63)
诸洞	(64)
溪潭涧浦	(65)
井泉	(66)
池塘	(68)
堰闸渡	(69)
梦梁录卷十二	
西湖	(70)
下湖	(73)
浙江	(74)
城内外河	(75)
湖船	(76)
江海船舰	(77)
梦梁录卷十三	
两赤县市滇	(78)

目 录

都市钱会	(79)
团行	(79)
铺席	(80)
天晓诸人出市	(82)
夜市	(82)
梦梁录卷十四	
祠祭	(84)
山川神	(85)
忠节祠	(85)
仕贤祠	(87)
古神祠	(88)
土俗祠	(88)
东都随朝祠	(89)
梦梁录卷十五	
学校	(90)
贡院	(92)
城内外诸宫观	(92)
城内外寺院	(94)
僧塔寺塔	(94)
古今忠烈孝义贤士墓	(95)
梦梁录卷十六	
茶肆	(96)
酒肆	(97)
分茶酒店	(98)
面食店	(100)
荤素从食店	(101)
米铺	(102)
肉铺	(103)
梦梁录卷十七	
历代人物	(104)

状元表·····	(105)
武举状元·····	(106)
后妃列女·····	(107)
历代方士·····	(108)
历代方外僧·····	(108)
梦梁录卷十八	
民俗·····	(111)
户口·····	(112)
物产·····	(112)
免本州岁纳及苗税·····	(121)
免本州商税·····	(122)
恩需军民·····	(122)
梦梁录卷十九	
园囿·····	(123)
瓦舍·····	(126)
塌房·····	(127)
社会·····	(127)
闲人·····	(128)
梦梁录卷二十	
嫁娶·····	(129)
育子·····	(132)
妓乐·····	(133)
百戏伎艺·····	(135)
角抵·····	(136)

梦梁录序

昔人卧一炊顷，而平生事业扬历皆遍，及觉则依然故吾，始知其为梦也，因谓之“黄粱梦”。矧时异事殊，城池苑囿之富，风俗人物之盛，焉保其常如畴昔哉！缅怀往事，殆犹梦也，名曰《梦梁录》云。脱有遗阙，识者幸改正之，毋哂。甲戌岁中秋日，钱塘吴自牧书。

梦梁录卷一

正 月

正月朔日，谓之元旦，俗呼为新年。一岁节序，此为之首。官放公私僦屋钱三日，士夫皆交相贺，细民男女亦皆鲜衣，往来拜节。街坊以食物、动使、冠梳、领抹、缎匹、花朵、玩具等物沿门歌叫关扑。不论贫富，游玩琳宫梵宇，竟日不绝。家家饮宴，笑语喧哗。此杭城风俗，畴昔侈靡之习，至今不改也。

元旦大朝会

元旦侵晨，禁中景阳钟罢，主上精虔炷天香，为苍生祈百谷于上穹，宰执百僚，待班于宫门之次，犹见疏星绕建章。但禁门未启，而虾蟆梆鼓并作，攒点即放鱼钥，阖阖门下，方启龙闾，执挺人传呼，头帽号纷然，卫士杂廷绅报到。闾开，百僚联轸入宫城，簇拥皆从殿庑行。遇大朝会，驾坐大庆殿，有介冑长大武士四人，立于殿

陞之角，谓之“镇殿将军”。殿西庑皆列法驾、卤簿、仪仗，龙墀立青凉伞十把，效太宗朝立诸国王班次，如钱武肃、孟蜀王等也。百官皆冠冕朝服，诸州进奏吏各执方物之贡。诸外国正副贺正使随班入贺。百僚执政，俱于殿廊侍班，而阁门催班吏高唤云：“那行！”吏进序班立毕，内侍当殿厉声问：“班齐未？”禁卫人员随班奏：“班齐！”千官耸列朝仪整，已见龙章转御屏，日表才瞻临玉座，连声清跸震班庭。上御正衙，有绿衣吏执仪剑突趋殿前，声淬厉，不可晓，乃大珰走办耳。宰执百僚听召宣，领班蹈舞，皆称寿再拜，声传折槛边。禁卫人高声嵩呼，声甚震，名为“绕殿雷”。枢密臣候称寿毕，登殿，立折槛侧，百僚俱鞠躬听制。宣制曰：“履兹新庆，与卿等同。”朝贺毕，就殿赐燕宰执、百僚。外国正副使人，次日就馆赐宴，使副及三节人俱与焉。翼日，至明庆、灵隐等寺烧香。次至玉津御园射弓，朝家选能射武臣伴射，就园赐宴。先列招箭班士十余人于垛子前，使人多用弩子射，其班士裹无脚小帽子、锦袄子，踏开弩子，舞旋搭箭，过与使人，彼窥得端正，止令使人发牙。例朝廷差来伴射武臣，用弓箭中的则得捷，上赐闹装、银鞍、马匹、衣帛、金银器物有差，迎迓还舍，观者纷然。如朝使人朝辞，赐宴饯行，仍赐马匹银帛，礼物甚盛。三节人依例给赐而去。

立 春

临安府进春牛于禁庭。立春前一日，以镇鼓锣吹妓乐迎春牛，往府衙前迎春馆内，至日侵晨，郡守率僚佐以彩仗鞭春，如方州仪。太史局例于禁中殿陛下，奏律管吹灰，应阳春之象。街市以花装栏，坐乘小春牛，及春幡、春胜，各相献遗于贵家宅舍，示丰稔之兆。宰臣以下，皆赐金银幡胜，悬于幞头上，入朝称贺。

元 宵

正月十五日元夕节，乃上元天官赐福之辰。昨汴京大内前缚

山棚，对宣德楼，悉以彩结，山脊上皆画群仙故事，左右以五色彩结文殊、普贤，跨狮子、白象，各手指内五道出水。其水用辘轳绞上灯棚高尖处，以木柜盛贮，逐时放下，如瀑布状。又以草缚成龙，用青幕遮草上，密置灯烛万盏，望之蜿蜒，如双龙飞走之状。上御宣德楼观灯，有牌曰“宣和与民同乐”。万姓观瞻，皆称万岁。今杭城元宵之际，州府设上元醮，诸狱修净狱道场，官放公私僦屋钱三日，以宽民力。舞队自去岁冬至日，便呈行放。遇夜，官府支散钱酒犒之。元夕之时，自十四为始，对支所犒钱酒。十五夜，帅臣出街弹压，遇舞队照例特犒。街坊买卖之人，并行支钱散给。此岁岁州府科额支行，庶几体朝廷与民同乐之意。姑以舞队言之，如清音、遏云、掉刀、鲍老、胡女、刘袞、乔三教、乔迎酒、乔亲事、焦锤架儿、仕女、杵歌、诸国朝、竹马儿、村田乐、神鬼、十斋郎各社，不下数十。更有乔宅眷、浑龙船、踢灯、鲍老、驼象社。官巷口、苏家巷二十四家傀儡，衣装鲜丽，细旦戴花朵□肩、珠翠冠儿，腰肢纤袅，宛若妇人。府第中有家乐儿童，亦各动笙簧琴瑟，清音嘹亮，最可人听，拦街嬉耍，竟夕不眠。更兼家家灯火，处处管弦，如清河坊蒋检阅家，奇茶异汤，随索随应，点月色大泡灯，光辉满屋，过者莫不驻足而观。及新开门里牛羊司前，有内侍蒋苑使家，虽曰小小宅院，然装点亭台，悬挂玉栅，异巧华灯，珠帘低下，笙歌并作，游人玩赏，不忍舍去。诸酒库亦点灯球，喧天鼓吹，设法大赏，妓女群坐喧哗，勾引风流子弟买笑追欢。诸营班院于法不得与夜游，各以竹竿出灯球于半空，远睹若飞星。又有深坊小巷，绣额珠帘，巧制新装，竞夸华丽。公子王孙，五陵年少，更以纱笼喝道，将带佳人美女，遍地游赏。人都道玉漏频催，金鸡屡唱，兴犹未已。甚至饮酒醺醺，倩人扶着，堕翠遗簪，难以枚举。至十六夜收灯，舞队方散。

车驾诣景灵宫孟飧

十六夜收灯毕，十七早五更二点，禁中催班，从驾官僚入殿起居讫，出殿门外，俱立马于学士院，恭俟驾兴。而殿东折槛下，快行

家皆执金莲烛炬，以俟登辇。驾出和宁门，诣景灵宫行春孟朝觐礼，前后两行绛烛灯笼，导引驾行。向有宝谟学士赵师圣诗：“风传御道辟声清，两道纱笼列火城。云护帝尊天未晓，众星环拱极星明。”驾近景灵宫前，撤去黄盖，方入宫门，此见君王虔孝之忱。至宫幄少歇，奉常更奏行礼，内侍卷帘班道上御黄道，步至殿前，崇禧馆道士二十四员在殿墀下叙立，举玉音法事。上登殿行礼，自西至东，步而入，内侍下帘，先自前殿、中殿，次后殿，虔恭行礼，以遵奉先思孝之家法。礼毕，外廊赐从驾官食，而后对宣，引宰臣以下入行殿赐茶。驾还内，其亲从官皆顶球头大帽，红缣锦团搭，戏狮子衫，镀金大玉腰带，各执骨朵；文武官皆顶双卷脚幞头，红上大搭，天鹅结带宽衫；辇官顶双曲脚幞头，红缣团花衫，镀金束带；殿前班直顶两脚屈曲幞头，着绯结带，望仙花衫，跨弓箭乘马，一扎鞍辔，执纓纓前导。数内有东三班，谓之“长入祗候”，幞头后各以青红头须系之，以表忠节之意。御龙直幞头，一脚指天，一脚曲，着方胜缣衫，花看带，镀金束带，执从物如校椅、金花、唾盂、水罐、次锣、乘伞、龙凤掌扇、纓绑之类，及执黄罗珠子、蹙百花背座御椅子并脚踏。快行家顶短小帽子，露半青头巾，带金巾，环绣体腰红缣衫，金束带，悬花看带，手执御校椅、金花瓶、兽炉一香座、御靴、纓纓、玉拄杖、小黄罗伞、御扇等物，俱搭步行，俱口鸣打头起之。昔诸司库藏，各用金刻字红牌前执，后以黄罗罩笼扛抬前导，有本库官乘馭掌其职分，如诸司库藏等司属，并衫帽随号。幕士顶帽，红罗缣衫，金带，悬黄帛。御马骐驎等院亦金字红牌呵喝，牵辔马匹导引。亲事官各顶帽，缣衫，镀银带，执红纱贴金烛笼二百对，左右道行。驾将至，左右首各一员闾六官属，乘马执丝鞭，天武官前道引，至官寮起居亭高声喝曰：“躬身不要拜，唱喏直身立，奏圣躬万福。”嵩呼而行。次有一员紫裳官，系闾门寄班，乘马，捧月样绣兀子，覆于马上。天武官（一作“天武中官”）十馀，簇拥扶策而行。众喝曰：“驾头。”次以近侍诸司官，俱乘馭前后导从。三衙太尉御带环卫。知闾，内侍、都知，皆乘馭驾前导引。更有内等子，即御前忠佐军头引见司人员等，各顶帽，鬓发蓬鬆，着红缣衫，两手握拳，顾望导行。

或有拦驾人，捶之流血。驾近则列横门，数十人系鞭视从，围子三五重，皆执骨朵。诸亲从等都管人员，并执骨朵，列行导引。驾前有执金香座、玉斧、玉拂，及水精珠杖迎驾，高低弄把引行，如龙弄珠也。上升平头辇，御龙直擎黄罗双盖，后握双黄罗扇。驾近太庙，则盖撤开，前行数步，上略抬身而过，此见尊祖敬宗之意。驾后围子亦数重，卫从诸班直马队从于驾后。左有宰执侍从官僚，右有亲王南班，俱从行。驾后有曲柄红绣伞，红绣日扇，命寄班官执驭而从。次日，驾再诣行后殿礼，幸太乙宫、景阳宫，行款谒礼。其日，用教乐所乐部，驾前作乐导引，驾后以钧容直乘马作乐而从。驾出景灵宫，至回龙桥。教乐所人员拦驾奏致语，杂剧色打和和来，及奏《礼成回銮曲》，快行先奏报禁中，使内侍排班迎驾起居。前人有诗曰：“帘卷天街看驾回，锦身捷足走能齐。联声快报还宫后，扈从归来日未西。”若次日出，则后宫后妃嫔侍，皆诣景灵宫，以半帐鸾仪从而行。皇太后、皇后乘舆，比檐子稍增广花样，皆织龙，簾舆上皆立金龙；护之剪髻。妃则用金凤，嫔妯止用棕檐耳。次日或遇泥泞，委宰执分诣行事矣。

二 月

二月朔，谓之“中和节”，民间尚以青囊盛百谷、瓜、果子种互相遗送，为献生子。禁中宫女，以百草斗戏。百官进农书，以示务本。上丁日，国学行释奠礼，祭文宣王，以祭酒司业为献官。州县学官，以帅宰奉行。立春后五戊日为社，州县祭社稷，朝廷亦差官祭于太社、太稷坛。州府自收灯后，例于点检酒所开支关会二十万贯，委官属差吏倖雇唤工作，修葺西湖南北二山，堤上亭馆园圃桥道，油饰装画一新，栽种百花，映掩湖光景色，以便都人游玩。

八日祠山圣诞

初八日，钱塘门外霍山路有神曰祠山正佑圣烈昭德昌福崇仁

真君，庆十一日诞圣之辰。祖庙在广德军，敕赐庙额“广惠”，自梁至宋，血食已一千三百馀年矣。凡邦国有祷，士民有告，感通即应。其日都城内外，诣庙献送繁盛，最是府第及内官迎献马社，仪仗整肃，装束华丽。又有七宝行排，列数卓珍异宝器珠玉殿亭，悉皆精巧。后苑诸作，呈献盘龙走凤，精细靴鞋，诸色巾帽，献贡不俗。各以彩旗、鼓吹、妓乐、舞队等社，奇花异果，珍禽水族，精巧面作，诸色轮石，车驾迎引，歌叫卖声，效京师故体，风流锦体，他处所无。台阁巍峨，神鬼威勇，并呈于露台之上。自早至暮，观者纷纷。十一日，庙中有衙前乐，教乐所人员部领诸色乐部，诣殿作乐呈献。命大官排食果二十四盏，各盏呈艺。守臣委佐官代拜。初八日，西湖画舫尽开，苏堤游人，来往如蚁。其日，龙舟六只，戏于湖中。其舟俱装十太尉、七圣、二郎神、神鬼、快行、锦体浪子、黄胖，杂以鲜色旗伞、花篮、闹竿、鼓吹之类。其餘皆簪大花、卷脚帽子、红绿戏衫，执棹行舟，戏游波中。帅守出城，往一清堂弹压。其龙舟俱呈参州府，令立标竿于湖中，挂其锦彩、银碗、官楮，犒龙舟，快捷者赏之。有一小节级，披黄衫，顶青巾，带大花，插孔雀尾，乘小舟抵湖堂，横节杖，声诺，取指挥，次以舟回，朝诸龙以小彩旗招之，诸舟俱鸣锣击鼓，分两势划棹旋转，而远远排列成行，再以小彩旗引之，龙舟并进者二，又以旗招之，其龙舟远列成行，而先进者得捷取标赏，声喏而退，馀者以钱酒友犒也。湖山游人，至暮不绝。大抵杭州胜景，全在西湖，他郡无此，更兼仲春景色明媚，花事方殷，正是公子王孙，五陵年少，赏心乐事之时，詎宜虚度？至如贫者，亦解质借兑，带妻挟子，竟日嬉游，不醉不归。此邦风俗，从古而然，至今亦不改也。

梦梁录卷二

三月(佑圣真君诞辰附)

三月三日上巳之辰,曲水流觞故事,起于晋时。唐朝赐宴曲江,倾都楔饮踏青,亦是此意。右军王羲之《兰亭序》云:“暮春之初,修楔事。”杜甫《丽人行》云:“三月三日天气新,长安水边多丽人。”形容此景,至今令人爱慕。兼之此日正遇北极佑圣真君圣诞之日,佑圣观侍奉香火,其观系属御前去处,内侍提举观中事务,当日降赐御香,修崇醮录,午时朝贺,排列威仪,奏天乐于墀下,羽流整肃,谨朝谒于陛前,吟咏洞章陈礼。士庶烧香,纷集殿庭。诸宫道宇,俱设醮事,上祈国泰,下保民安。诸军寨及殿司衙奉侍香火者,皆安排社会,结缚台阁,迎列于道,观睹者纷纷。贵家士庶,亦设醮祈恩。贫者酌水献花。杭城事圣之虔,他郡所无也。

诸州府得解士人赴省闱

三月上旬,朝廷差知贡举、监试、主文考试等官,并差监大中门官诸司、弥封、誊录等官,就观桥贡院,放诸州府郡得解士人,并三学舍生得解生员,诸路运司得解士人,有官人及武举得解者,尽赴院排日引试,及诸州郡诸路寓试试得待补士人,并排日引试。国子监牒试中解者,并行引试。如有避亲者,就别院引试。朝廷待士之重,差官之际,并令快行宣押所差官员入内,到殿听敕。其知贡举、监试、主文,并带羞帽,穿执乘驭,同诸考试等官,迎引下贡院,然后锁院,择日放试。诸州士人,自二月间前后到都,各寻安泊待试,遂经部呈验解牒,陈乞纳卷用印,并收买试篮桌椅之类。试日已定,

隔宿于贡院前赁房待试,就看坐图。其士人各引试三场:正日本经,次日论,第三日策。预试人照合试日分集于贡院竹门之外;伺候开门。放试士人,各入院内,依坐位分廊占坐,知贡举等官于厅前备香案,穿秉而拜,诸士人皆答拜,方下帘幕,出示题目于厅额。题中有疑难处,听士人就帘外上请,主文于帘中详答之,则各就位作文,随手上卷。至晡后开门,放士人出院,纳卷于中门外,书知姓氏,试卷入柜而出。其士人在贡院中,自有巡廊军卒赍砚水、点心、泡饭、茶酒、菜肉之属货卖。亦有八厢太保巡廊事。所纳卷子,径发下弥封所封卷头,不要试官知士人姓名,恐其私取故也。却于每卷上打号头,三场共一号,方发往誊录所誊录卷子,依字号书写,对读无差,方纳入考试官各房考校。如卷子考中,发过别房覆考,如称众意,方呈主文,却于誊录所吊取真卷,点对批取,定夺魁选。伺候申省奏号揭榜取旨,差官下院拆号放榜。中省魁者殿试陞甲,恩例前十名亦如之。补试中榜者,三太宗武三学为生员。举人中省闈者,俟候都堂点请覆试,不过一论冒而已。覆试毕,然后到殿也。此科举试,三年一次,到省士人,不下万馀人,骈集都城。铺席买卖如市,俗语云“赶试官生活”,应一时之需耳。

荫补未仕官人赴铨

每岁三月上旬,应文武官荫授子弟、宗子荫补者,并赴铨闈就试出官。朝廷差监试、主文、考试等官,就礼部贡院放试。试中者三名取一名。文臣试两场:本经及刑统义,第三日愿试法科者听。武臣试《七书》义。三学生员入试,中榜者升内舍。其时亦有试宏词、法科、馆职、贤良方正。三省堂后官及六部吏,并试法科,升补额名。并是排日放试,合差外诸司等官吏,并循诸试例。如省闈年分,移于八月放试,中榜者赴吏部伺候帘试过参,注差遣。武选中者,就兵部右选厅铨量读法,注授出官。其文武铨魁特转一资。恩例,铨魁仍置局,造题名集,设同年宴于西湖。帅运诸司,俱有送助,以为局费。盖临安犒轂之下,中榜多是府第子弟,报榜之徒,皆